

籌辦夷務始末

籌辦夷務始末卷之四十七

同治六年丁卯正月丁卯禮部奏朝鮮國恭進例貢使臣  
到京附帶咨文係覆陳上年洋船情形兼致謝等事求臣  
部轉奏謹鈔錄恭呈

御覽軍機大臣面奉

諭旨該衙門知道

朝鮮咨文

朝鮮國王為應陳洋匪侵擾形實事本年九月洋匪入據  
江華府其回撤悖慢之由已具咨仰陳矣嗣後敵勢轉益  
猖獗有不可一一盡述而江華不但為敵邦保障之重地

也。敵職先祖僖順王。莊順王真幘亦安於行宮。洋匪入城  
之日。守臣倉皇移奉於僻處。而殿宇廟署並入灰燼。以至  
驅劫男婦。擄殺牛畜。搜去格留之銀。掠取綱運之米。武庫  
先被放燬。利器多歸藉寇。綠江列堡有龍津廣成等鎮。而  
焚毀殆盡。甲串津上下分船遮衛。以斷赴援之路。鄉紳知  
宗正卿李是遠居在城外。及聞城陷。與其弟憂憤仰藥死  
之。已施襄隱之典。巡撫中軍李容煦。任陣於江華府越岸  
通津橋。未及交鋒。九月十八日。巡撫哨官韓聖樞率銃手  
守文殊山城。彼人來四小船。自甲串津來泊。將欲上山。聖  
根奮不顧身。一發數丸。則彼人應聲落。而銃手隨即奔發。

彼人多震仆而死者。而船中人盡涌登山。放火於城門及公廨。而劫十月初四日。巡撫李總梁憲洙潛師由廣成津而入。鼎足山城。城在江華府之東南。將以為憑高直搗如建瓴之勢也。彼人又欲據北城其頭領騎馬悉帶銳卒上山。不知憲洙已在城中也。憲洙盡力捍禦。齊放銃礮一場鏖戰。其騎馬者應丸而墮。彼兵相繼僵死者如麻。與尸而走。器械輜重委棄路側。初五日。江華城中所在彼人紛紛輸器物於船中。而甲申洋破留四艘。一時解纜。出往富平。前洋與前留三船同往。而城中無一砲。憲洙自鼎足山城整軍而下。克復府城。撫輯兵民。而富平前洋破留七艘。本

月十二日出外洋向南而去。噫彼法國人之強欲弄雲涉  
我海疆。毀我關防。創殘我民。偷竊我蓄積。是豈敵邦有  
所失而然哉。特以其豁空無厭之惡。作一海浪賊耳。敵邦  
地狹力弱。不測戎政。而惟茲禮義之俗。未嘗倖存。故上自  
朝廷卿士。下至軍卒氓黎。莫不扼腕裂眦。誓死防守。或有  
沐血倡義者。或有捐軀殉難者。眾心成城。庶可藉此而獲  
保藩綏。然彼吏士來無常情跡。臣測未可以釋慮而弛備  
矣。竊伏惟我

大朝字育之

澤。曠絕千古前後

思遼山海崇深。藐茲冲年。遭此大難。兢兢業業。罔知攸措。其在緩急安危之際。籲告情實。固臣分之當然。而凡係小邦之患難。每蒙

大朝之採恤。茲具被兵事由。修咨詳陳。煩乞禮部轉達。

天聽。導示備禦之機略。使叢爾屬國。永底安靖。恭備侯度。千萬幸甚。為此合行移咨。請照驗轉奏施行。

朝鮮又咨

為覆陳致謝。仍辦洋船事。同治五年十月二十七日承准禮部咨。准總理各國事務衙門奏。朝鮮咨報洋船情形。一摺。本月初六日奉

旨依議欽此鈔錄原奏恭錄

諭旨各行禮部遵照辦理等因前來本部相應鈔錄該衙門原奏  
知照查照辦理除由總理各國事務衙門隨時相機酌辦  
外該國王仍當悉心籌畫分別覈辦計出萬金不得稍涉  
疏虞等因竊念小邦凡有患難疾聲具籲耄仰藉

天朝字小之

奏也今此禮部之據情代表軍機大臣之面奉

諭旨總理衙門之相機酌辦俾小邦悉心籌畫計出萬金不可稍

涉疏虞其所以撫保小邦靡不用極不知小邦何以獲此

隆庇也第茲英船焚溺之事法擬悖慢之說法兵遠去之前已

具咨詳陳。而本年二月七月再到海關。縣江華府。因請通商。以無。

上國公文。不敢擅使許施。則謂往。

大清國請公文並貨物前來。而發船達劫。仍無形影者。即自稱英人馬力勝。戴拔等也。又於七月來泊平壤府。拘執將弁。殺害人命。討索財貨。亂放銃砲。擱淺而自被焚溺者。即自稱英人崔蘭哲。但國人李八行。及烏鬼子等也。原無美國人兩枝桅船一隻擱淺被燒。並捉去船主水手等二十四人之事。則今此街廉士來函。想因平壤府英船焚溺事。而轉相訛傳。不究根由也。敵邦與英法兩國。本不交涉。何有。



失和通商傳教則以邦禁而拒絕也教士則以異國羣民  
變服誑惑而斥除之而已凡天下各國相與征戰必先詳  
究情實明執釐端始可興兵而今法人之瞰我未備闖入  
江華府焚毀全城剽掠財貨卽一剽掠殘暴之寇也通商  
者果如是乎傳教者果如是乎未乃頭領被殲舉帆而起  
然以後蹤跡有難料測惟當秉義修備務盡誠信而至若  
兵費賠償一節伏荷禮部及總理衙門之慮及利害誠萬  
萬銘感但法人之攫取敵邦槍蓄戎器者其數不貲則敵  
邦責償於法國猶或可矣法國責償於敵邦安有是也凡  
係洋人之通商傳教賠償諸事小邦之民情國勢雖幾年

受困於洋人。斷不可行矣。小邦有事。輒蒙

皇朝之曲賜。矜恤。茲庸備悉。事由謹具。覆陳。頃乞禮部深矜小  
邦情實。轉達。

天聰隨機指諭。俾底安靖。庸究終始之惠。千萬幸甚。為此合行咨  
覆。請照驗轉奏施行。

朝鮮又咨

照錄給法國照會中條約第三十一款。內開載甚明白。語  
等因。未知三十一款條約何時所成。開載者又是甚事。此  
乃敵邦所不得見。而敵邦雖幾年受困於法國。通商傳教  
邦憲泰嚴。斷不可行者。隨機開諭。排解。俾得永底安靖。以

此告而

甲戌署伊犁將軍崇全奏竊查鄂前將接准俄吏在喀什  
兒設立恤惠局與逃出索倫等每月支給口糧散放洋錢  
各等情一面咨行署領隊霍佃布等著實詳查一面恭摺  
具奏在案并發奏摺後鄂日夜躊躇該索倫蒙古等集聚  
俄國過界如若差員前往收攬與俄人清算帳目誠恐俄  
官輕視難免刁難制肘俄人與索倫等月支口糧外顯撫  
恤之仁内存無厭之求誠如

聖訓若不速行收攬難免別生事端日復一日必至積深累重若  
不卽行清算必至伊于胡底鄂現在科城無兵可帶大兵

均由大道前往。趁此之際。率即可本身兼站前赴俄國。相機度勢。收攬此項人等。清算帳目。惟此項索倫等眷屬不下數千餘口。該官兵等又缺馬匹。日用口糧不下數千餘斤。雖壯勇者使其徒步。長途大半均係山嶺。老弱婦女。必得置科夷車。輪流代步。所費一切。不免浩繁。且伊疆並無安置此項索倫之地。塔爾巴哈台雖屬較近。今被哈薩克占踞。科布等屬均係蒙古游牧之地。耕田無多。與烏里雅蘇台將軍科布多參贊大臣等熟商。一俟該索倫等行抵此處。暫借蒙古等游牧閒地方駐紮度日。或勒減馬垣賦。匪。抑或先占塔垣之地。即將該索倫等移居該處。不惟道

途較近。亦可固守城垣。俟大兵出關。該索倫等尚可建功。以滅妖氛。惟該索倫等弓矢鳥槍刀矛器械。均被俄人收存。額懇

飭下總理各國事務衙門。照會俄國公使。務將弓矢器械。照數交給。再俄人之俗。處處禁止糧石。不准私行出售。今該索倫蒙古等數千名之多。誠恐該夷勒其糧石。難免枵腹之虞。才愚昧之見。計其程途遠近。日用口糧多寡。仍由該俄官倉內採買。合算該夷官價。照數納交。不惟稍節浮費。庶免周章尋見。將此情與該國公使議定。即著飭科米等處一律遵辦。

御批該衙門知道

榮全又奏再營此次前往俄國收攬索倫等並清算俄夷帳目如蒙

俞允總

飭下烏里雅蘇台將軍科布多參贊大臣等備辦賞需紬緞各色茶斤交營帶往俄國以備賞賚之需

御批覽

丙子總理各國事務恭親王等奏查臣衙門現議添設學習天文算學館咨取進士舉人恩拔副歲優貢生並翰林院庶吉士編修檢討及由前項出身之京外各官考試錄

取留學業經條議章程奏奉

諭旨准辦在案。惟查臣衙門前設學習英法俄國語言文字各館均設洋教習一員專司講譯。此外各設漢教習一員兼課漢文。令該學生等奉以為師。現在學習天文算學之員均係已成之材。漢文無不通曉。漢教習自可不設。但亦必須有羣情宗仰之一人在彼指引開導。庶學者有所秉承。否則該館止有洋人講貫。而中國無師表之人。恐來學者竟疑專以洋人為師。俾修弟子之禮。未免因此裏足。臣奕訢與臣文祥臣寶鑒臣董恂臣崇綸公同商酌。惟有臣徐繼畲老成望重。品學兼優。足為士林矜式。擬請

旨飭派徐繼畲作為總管同文館事務大臣以專稽查而資表率  
諭內閣總理各國事務衙門奏請派員充總管新設同文館事務  
大臣等語太僕寺卿徐繼畲老成望重足為士林矜式著仍在  
總理各國事務衙門行走充總管同文館事務大臣惟寺務恐  
難兼顧著開太僕寺卿缺以專責成而資表率

恭親王等又奏英法兩國公使租定府第原議每年各出  
租價銀一千兩英國扣留租價二年作為修理之費法國  
修理未經指定扣留租價年限嗣英國照約按年齎送房  
租茲自同治四年九月十三日起至同治五年九月二十  
三日止按照英國年月計算又期屆一年據英國使臣何



禮國於上年九月二十六日派員齎送房租洋銀一千四百二十八圓零五錢七分合銀一十兩經臣等派員照數覓收並知照內務府於上年十月初八日派員赴臣衙門將英國祖銀一千兩照原來平色查收理合附片陳明御批知道

戊寅總理各國事務恭親王等奏本月十二日准禮部咨稱奏朝鮮國王履陳上年洋船情形等因一摺本

旨該衙門知道欽此查法國與朝鮮用兵一案臣等於上年十一月十四日奏陳續籌辦理情形計

飭禮部知照朝鮮國王妥為籌備旋准禮部咨稱閱時已久情形

不同擬將原奏暫存俟朝鮮續有咨文到日再行覈辦等  
因咨覆在案○此次該國王來咨○前失江華郡城○旋經該國  
整軍克復○法國兵船亦即退駛○惟法國是否從此寢息○抑  
尚銳意興兵○均未可必○前此朝鮮錄送法國回檄內○有欲  
朝鮮差員面議一節○似亦注意於和解○第通商傳教諸事  
朝鮮既稱邦禁恭順○是否願從○中國斷不能稍有勉强○該  
國應如何悉心籌辦○不至稍涉疏虞之處○相應請

旨飭下禮部詳加酌覈○迅即咨照朝鮮國王○自行先事妥籌○總期  
計出萬全○毋稍大意○至該國所稱未知三十一款條約何  
時所成○聞裁甚事等語○查去歲日衙門接據法使照會內

稱○因於朝鮮擄兵○堵塞港口○暫禁商船前往○且等以法國  
條約第三十一款○內開將來中國遇有與列國用兵○除敵  
國布告港口不能前進外○中國不為禁阻法國貿易及與  
用兵之國交易○凡法國船從中國口駛往敵國○所有進  
口出口各例貨物○並無妨礙如常貿易無異等語○並無因  
兩國用兵禁止商船前往之條○當經酌給照覆○引及此條  
以明不應禁止中國商船之意○至此項條約係於咸豐十  
年定議○所有法國條約全數及他國所立條約各款○亦止  
言中土而未及外藩○並無絲毫牽涉朝鮮之處○應請一併  
由禮部將前經咨發該部之法國條約第三十一款鈔錄

咨行朝鮮國查閱俾其洞悉原委

御批依議

恭親王等又奏同治六年正月十五日接據俄國使臣照會內稱自伊犁失守以來該處所遺兵民婦女多被回匪擄去賣與安集延等部商民轉攜至俄國阿拉他烏一帶地方經西慈畢爾總督開知飭恤惠局官員查究並訂約三章現將所買人口均已追出並無身價暫歸該局撫養除將人口名單譯出滿文咨送署伊犁將軍崇全辦理外其應如何遣送歸家抑派員查辦之處希卽裁度見覆等因將滿文人口名單開送前來臣等查西疆逃難兵民上

年九十月間疊據俄使函稱設局周滿並欲將喀帕兒餉銀撥抵墊款當經臣等咨以餉銀難以動用其賑恤難民之款奏請

飭下榮全查辦在案此次所稱逃出被擄兵民婦女並無身價暫歸該局收養等語似係有心見好未曾審及前事臣等當酌給照覆致謝惟此項被擄人口既歸該局撫養所需之款將來未必不向中國取償自應早為招撫免致久居該國受其德色所有人口名單既據該國譯出滿文咨送署伊犁將軍榮全查照相應請

旨飭下榮全按照單開人數應如何鎮撫安插之處妥為籌畫趕

緊辦理。總期將此項人口及早收回。是為至要。至此次該國所需收養之款。日後俄使如向臣等提及。再由臣等隨時知照。禁全辦理。

御批依議

恭親王等又奏。再。臣衙門接據俄國照會。安撫伊犁逃出難民一節。正在覈辦。昨復由軍機處鈔出署伊犁將軍崇全具奏。查辦逃出索倫人犯。擬往俄國自行清理一摺。奉旨該衙門知道。欽此。又片奏。前往俄國收攬難民。請由烏科等處備辦實需一片。奉

旨覽。欽此。臣等查該將軍所擬親往俄國收攬索倫人犯。清算帳

臣所等甚屬妥協與現接俄國照會所稱投局撫各難內  
請由中國派員查辦各情事同一律應俟該將軍前赴俄  
國時按照單開人口一併收撫惟伊疆境外既無安置此  
項索倫人眾之地應由該將軍會同烏里雅蘇台將軍等  
妥籌妥撫以免滋生事端查生聚訓練固所以妥撫游民  
而資捍衛第此項索倫人眾於伊犁失事時遽行進入外  
國現在招集妥撫該將軍擬欲訓練成軍使之固守城垣  
藉以禦敵該索倫人等能否得加應仍由該將軍妥實察  
看情形相機辦理其索倫等前被俄國收存器械及沿途  
口糧請由臣衙門照會俄國住京公使將前存弓矢等件

照數給還。並由俄倉採買米糧各節。臣衙門應卽給予照會。令其照辦。惟俄國收存器械。似應一律給還。諒不至於推諉。其採買米糧一節。查俄人歷年欲往吉林黑龍江等處通商。販運米石。均經中國隨時攔阻。此次欲向俄國採買口糧。不但伊等不肯私售。且恐藉口要挾。欲將俄人赴吉林等處販買米石。弛禁轉於吉林黑龍江通商事宜大有間礙。是該公使能否允准轉飭俄官出售米糧。尚難豫定。另片奏。前往俄國收換難民。需用賞項。應請

旨飭下烏里雅蘇台將軍。科布多參贊大臣。迅卽備辦賞需各件。交該將軍帶往俄國。以備賞賚之用。



御批依議

恭親王等又奏再喀什兒庫存餉銀前據俄國使臣面請撥抵撫恤難民之用當經臣衙門函覆此項餉銀難以另作別用仍應全數運回於上年十月二十日奏請

飭下署伊犁將軍崇全詳查一切奏明辦理嗣據崇全奏稱於十一月十九日已抵科城相距俄國寫遠其賑恤難民之物無從諮訪俟城克復後再與理問至喀什兒餉銀已咨行庫必那圖爾趕緊解往科城未卜此時能否起運等因茲於上年十二月二十二日續據俄國使臣倭良嘎哩函稱准西意畢爾總督覆知業已知照科米總督飭准中國官

員將此項餉銀解回並今仍照斜米一律照料護送等因  
臣等查崇全摺內有喀帕兒軍餉如若早行起運自可算  
清一切由京都匯兌等語此次俄使來函似屬有心見好  
並意在分給難民之款不至落空除由臣等面謝外應仍  
請

飭下崇全候喀帕兒餉銀全數解往科城後趕緊奏明並將俄國  
按濟款項設法查明確數如何籌賞之處一併奏明辦理  
御批依議

俄國照會

為照會事照得本國伊犁領事官詳稱自西疆伊犁城失

守以來該處中國所遺之兵民婦如多被回匪擄劫賣與

前往通商之他什鏗特

華名安集延

及薩爾特等部商民轉攜

至本國阿拉他烏一帶咸爾諾業地方經西悉畢爾總督

聞知卽飭本城上年所設之恤惠局官員嚴行查究務將

所買人口全數追回該局詳加盤詰隨即尋獲逐口開寫

清單並因其中幼孩不知自己及父母名姓者先行責令

該薩爾特等出立字具內訂約三章○所買子如暫留收

養○不准視為奴僕要如親生一揀看待亦不准轉賣及送

與他人俟接到中國來文卽行放還並不償償或其親丁

索要亦可○所買婦如縱已收為妾如今放還亦宜從命

百以後中國人口不論大小一概不准私買各等語具結  
在案。現在所買之大小人口均已追出並無身價暫歸該  
局安置撫養。除將人口名單譯出滿文於十一月初開咨  
送科布多署伊犁將軍榮辦理外另繕一分呈送貴欽差  
轉請照會總理衙門裁度如何將人口遣送歸家抑或派  
員查辦之處望即飭下並聲明此單係中國現住該城之  
索倫六品官扎布尚阿幫同俄官辦理不無微勞可錄等  
情前來相應照會貴王大臣希即將如何定度之處迅速  
見覆以便轉飭可也。單併附遞為此照會。

給俄國照覆

為照度事。接准貴大臣照會。本王大臣查救災恤惠實屬  
義舉。今伊犁被擄兵民婦女展轉流入貴國地方。既經貴  
西悉畢爾總督轉飭查明存留撫恤。並嚴訂章程。禁止售  
賣。洵為克敦睦誼。無任欣謝。至此項難民。既經貴國譯出  
名單咨送署伊犁將軍禁辦。諒已妥為查辦。惟此時尚  
未接到來文。本王大臣應再據情飛函。令其速為籌畫。俾  
難民早歸故土。以副貴大臣之雅意。為此照覆。

俄國來函

前接到來函。喀怕兒所存軍餉。仍欲全數運回。科布多其  
所給難民之款。俟將經費埽數算清。再行抵補等情。當經

本大臣行知西悉畢爾總督照辦今准該督覆文業已咨  
知科米提督飭准中國官員將此項餉銀解回並令仍照  
科米一律照料護送專此布聞

給俄國信函

接到來函以喀怕兒所存餉銀飭准中國官員解回等因  
足徵誼敦和好本王大臣不勝欣謝專此布復

甲申○掌山東道監察御史張盛藻奏竊臣考覈典授時分  
命義和周禮映司空一篇漢儒補以考工記未聞水火工  
虞之職俱習鳥火虛葬之文亦未聞天官六屬俱習考工  
之事哉

朝頒行憲書一遵

御製數理精蘊不爽毫釐可謂超軼前古矣。卽或參用洋人算術。不過借西法以印證中法耳。近見邸鈔總理各國事務衙門請設同文館。專用正途科甲人員學習天文算術。以爲製造輪船洋槍之用。臚列六條。意在專講習。勤考課。又恐人之不樂從也。乃厚給廉餼。優與獎敘。以鼓舞之。其誘掖獎勵用心苦矣。且愚以爲

朝廷命官必用科甲正途者。爲其讀孔孟之書。學堯舜之道。明體達用。規模宏遠也。何必令其習爲機巧。專用製造輪船洋槍之理乎。若以自強而論。則

朝廷之強莫如整紀綱明政刑嚴賞罰求賢養民練兵籌餉  
諸大端臣民之強則惟氣節一端耳

朝廷能養臣民之氣節是以遇有災患之來天下臣民莫不  
同仇敵愾赴湯蹈火而不辭以之禦災而災可平以之禦  
寇而寇可滅皆數百年深仁厚澤以免舜孔孟之道為教  
有以培養之也若今正途科甲人員習為機巧之事又藉  
升途銀兩以誘之是重名利而輕氣節無氣節安望其有  
事功哉且以為設立專館止宜責成欽天監衙門考取年  
少穎悟之天文生算學生送館學習俾西法與中法互相  
考驗至輪船洋槍則宜工部遴選精巧工面或軍營武弁



之有心計者令其專心演習傳授其法不必用科甲正途  
官員肄習其事以養士氣而專責成可否

飭令在廷諸臣悉心妥議

諭內閣前據總理各國事務衙門奏請設同文館專用正途科甲  
人員學習天文算術並擬定章程六條呈覽當經降旨依議茲  
據張盛藻奏科甲正途讀書學道何必令其習為機巧於士習  
人心大有關係等語朝廷設立同文館取用正途學習原以天  
文算學為儒者所當知不得目為機巧正途人員用心較精則  
學習自易亦於讀書學道無所偏廢是以派令徐繼畲總管其  
事以專責成不過借西法以印證中法並非舍聖道而入歧途

何至有礙於人心士習耶該御史請飭廷臣妥議之處著毋庸  
議

二月丙申烏里雅蘇台將軍德勒克多爾濟參贊大臣錦  
丕勒多爾濟麟興勅竊蒙德勒克多爾濟前因祭掃請假  
回旗當有俄弁發畢業持文告投言稱係由吉納喇勒因  
畢爾納圖爾差來為俄羅斯商人倭什勒庫布等被索雅  
特烏梁海人勒阻去失多物祈將此事公辦並將和約傳  
飭該處不准阻滯俄商又邊界第十八第十九兩處鄂博  
間有俄廟被竊物件因在索雅特烏梁海家內見有多物  
業將該烏梁海之車登布雅特搜看守祈將此案迅速明

白審辦各等語。○今因尚未到任。礙難接收。此文當面駁回。  
告以到任後。按例商辦。○努德勒克多爾濟抵任時。當與參  
贊大臣錦丕勒多爾濟麟興詳查原委。○俄廟被竊。稱有賊  
證。其俄商丟銀失物。稱至八百兩之多。各情事。○前係將軍  
明誼等據庫倫咨查。業經轉飭所屬詳查。據報並無索雅  
特之人。亦無喀拉河之地。並因未見該國通商明文。無從  
飭知。諸多不明各情。咨覆庫倫。轉行俄官。務將實在人地  
名。即失物被阻原委。逐一詳晰聲覆。再行酌辦。並咨呈總  
理各國事務衙門查照。請示。○經總理衙門指示。按約據理  
各語。○復准庫倫咨送俄官清字來文二件。一係吉納喇勒。

因畢爾納圖爾來文一係匪蘇勒來文內稱有兩國陸路  
通商章程內第二款定有中國所屬設官之蒙古各處及  
該管所屬地方准俄人貿易又稱該廟失物干連烏梁海  
車登布雅已被擊獲在俄有守不難審辦各等情查烏里  
雅蘇台所屬雖有烏梁海人地但從無與俄國通文會辦  
案件遇有交涉事仲均歸庫倫大臣辦理應請

旨飭下庫倫大臣會同俄官將車登布雅等提集就近詳訊如果  
賊贓實如俄文所稱是非自可立見至俄商被阻一節前  
據俄文稱失銀物至八百兩今文僅稱第二款內有准在  
蒙古地方貿易各語俄商或欲往蒙古地方貿易或圖指

賴訛賄必須遵約循理會辦究竟有無執賄嗣後應否令其貿易務期水落石出而昭平允

御批總理各國事務衙門議奏

署伊犁將軍榮全奏據防禦多仁泰來稟內稱前由斜米派出阿吐坦官查辦丢失軍餉追尋多日賊贓未獲隨同俄官前往斜米面見庫必那圖爾所言一切諸多不當等情等即剴知多仁泰迅速來報另有差違該員等押解軍餉行外國之境途次丢失銀兩若不從嚴叅辦難免貽笑俄人請將防禦多仁泰曉騎校豐訥布等暫行摘去頂帶交軍營效力贖罪以觀後效

御批著照所請該部知道

署理江蘇巡撫郭柏蔭奏竊照比利時國使臣金德於換約時呈遞國書經總理衙門奏准由軍機處撰擬回給該國

國書一道由驛恭齎到蘇查該使臣金德換約後赴漢口東洋一帶於同治六年正月二十七日至蘇二十八日赴臣署謁見當即恭奉

國書面交該使臣祇領並宣布我

皇上嘉惠遠人敦崇信義至意該使臣歡欣鼓舞免冠額手深致欽服感幸之忱據稱謹當恭賁回國交彼國君主接收永

敦和好等語情詞甚為恭順於二月初一日開船赴滬謹  
會同署理三口通商大臣曾國藩覆奏

御批知道了

丁酉吉林將軍富明阿奏據署甯古塔副都統烏勒興阿  
報稱據署琿春協領事務佐領溫崇阿呈據查江恩駢尉  
額爾蘇勒等報稱本年正月初六日巡至琿春河口地方  
瞥見朝鮮國人男婦子女二百餘名坐車徑奔正北起向  
查詢何往聲言現今俄羅斯招引我國人數千名在吉心  
河地方開墾地畝我國屢次批知年景歉收課稅加傳交  
納無加實難度日無奈棄家逃出度命等語如行阻止恐

招兩國釐端惟俄人招引朝鮮人數甚鉅陸續奔投不絕  
等因咨報前來詳查咸豐十一年分界圖載吉心河在紅  
綫迤東係屬俄界現在俄人招引朝鮮人等在吉心河墾  
地並有續來不絕之狀其意叵測難保兩國不無勾結之  
虞等因當即行令該副都統轉飭琿春協領嚴飭查江查  
界各卡官兵加意防範設法阻止不准肇釀釐端

御批該衙門知道

已亥總理各國事務恭親王等奏竊照臣衙門辦理外國  
事務應備知底細方能動中窺要從前偵探外國聞設字  
館探訪各省及外洋事件刊刻發賣名曰新聞紙雖未必



盡屬可信。然因此推測亦可得其大概。是以奏定章程行  
令南北洋通商大臣並劉飭各稅務司按月咨報本年正  
月間准天津及上海通商大臣暨稅務司呈送新聞紙前  
來。內云法國主因其提督攻打朝鮮不甚喜悅。令其兵船  
隊停泊。並怪該國提督做事蠢魯。不應驟舉干戈。又云法  
國自己要先與朝鮮講和。不等英美同行。又云日本國現  
有火輪軍艦八十餘艘。有興師往討朝鮮之志。又云聞春  
和暖之時。不但法國進兵。日本亦欲進兵。各等語。查朝鮮  
與法國構兵。能否轉圜。尚難豫料。今新聞所載日本又欲  
發兵前往朝鮮。平日與日本有無往來。曾否結有嫌隙。中

聞無從得其詳細。且日本於中國既無朝貢。又不通商。與各國在京者情形不同。無從探悉。事之虛實。原來便據為憑信。但既經各處新聞紙刊刻傳播。事涉中外。殊有關繫。相應請

旨飭下禮部可否密咨朝鮮國王。訪查明確。防患未然。以便妥為辦理。具摺密陳。並鈔錄新聞紙五條。恭呈

御覽。

御批依議。

摘錄新聞紙

○英國來新聞紙云。英君主無意合法國攻打高麗。又云

法國主因其水師提督攻打高麗不甚喜悅英國所以不  
合法國者緣船隻所有被高麗人燒毀者均係升美國旗  
號與英國毫無關涉現聞法國主令其兵船隊停兵並怪  
其水師提督做事蠢魯高麗不過為殺教頭不應驟舉干  
戈果有大不合情理事再興理論未為晚也

○芝罘來信花旗之大兵船名猾諸而於洋正月廿一日  
議由芝罘往高麗為查問花旗夾板船名然那能而沙滿  
在彼打破其水手被高麗人殺死一事又風聞英美法三  
國約於春間各帶礮船往高麗迫取通商和約又風聞法  
國自己要先與高麗講和不等英美二國同行究竟三國

同去居多

○日本國人名八戶順哲送來新聞原藁云近來日本國武備頗盛現有火輪軍艦八十餘艘有討朝鮮之志朝鮮王每五年必至江戶拜謁大君各獻貢是古例也朝鮮王廢此例久故發兵責其罪云

○華人云法國兵船被高麗打敗是以回兵不知非也北方天氣寒冷法國兵船實因冰河暫且停兵開開春和暖之時不但法國進兵前劫日本亦欲興兵前往

○聞日本名儒八戶順叔先生言通來其國政事風俗革故更新慕慕乎日臻上理六藝之內捨弓箭而專習劍舞

騎來則教之以坐作進退。火器則訓以施放縱橫。水師則  
導以駕駛輪船。俾其洞悉水火二力之妙。又教挖工以航  
海之術。今其國中已有大輪兵船八十餘艘。前日江戶政  
府選子弟十有四人。往英國倫敦學校肄習文字。皆係英  
俊之士。其年齒由十二歲至二十二歲。衣冠之制。歐羅巴  
前髮持棍。效其裝束。長官左右袖則以金錢五兩以別等  
左。皆能通英國言語文字。所異惟腰繫二刀而已。又有江  
戶政府督理船務將軍中濱萬次郎。月前特至上海製造  
火輪船。其智慧靈敏。能深悉機械關鍵精微。近日已啟行  
回國。知國中共有二百六十名諸侯。前由大君詔至江戶。

京師會同議政務要整武備大震國威以征不應現有興  
師往討朝鮮之志同朝鮮五年一朝貢今負固不服此例  
久廢故也

恭親王等又奏再日本在前明為倭寇江浙等省濱海地  
方蹂躪幾徧並延及於朝鮮且每存夜郎自大之心與中  
國久無朝貢前數年英法各國嘗與構兵臣等以該國濱  
處東海距中國江浙海口不遠日本如敗則英法等國益  
強日本如勝則患在肘腋更為切近是日本之勝敗均於  
中國大有關係是以常抱隱憂不時探聽近歲日本兵敗  
與英法各國講解旋即發奮為雄學造兵船往來各國志

不在心。今外國新聞紙。既稱其武備之盛。軍艦之多。並有  
與朝鮮尋釁之說。臣等反復思維。此事如果屬實。朝鮮雖  
屬彈丸。若英法各國與之構釁。其志不過在於傳教通商。  
兩國互相牽制。未必遽攘其土地為己有。至日本無所牽  
制。難保不貪其土地。設朝鮮為日本所據。則與中國相鄰  
患更切膚。傳教通商。猶其餘事。現在日本之有此舉。或有  
別國慫恿。亦未可定。是朝鮮被日本之兵。其患較被法國  
之兵為尤甚。是以臣等奏請

飭下禮部酌量密咨朝鮮國王。豫為防範。一切情形。未便宣露。謹

附片密陳。

大學士倭仁奏昨見御史張盛藻奏天文算學無庸招集

正途一摺奉

上諭朝廷設同文館取用正途學習原以天文算學為儒者所當知不得目為機巧於讀書學道無所偏廢等因欽此數為六藝之一誠如

聖諭為儒者所當知非歧途可比惟以忤所見天文算學為益甚微西人教習正途所損甚大有不可不深思而慮及之者請為我

皇上陳之竊聞立國之道尚禮義不尚權謀根本之圖在人心不在技藝今求之一藝之末而又奉夷人為師無論夷人詭



編未必傳其精。即使教者誠教學者誠。學所成就者不  
過術數之士。古今來未聞有恃術數而能起衰振弱者也。  
天下之大。不患無才。如以天文算學必須講習。博采旁求。  
必有精其術者。何必夷人。何必師事夷人。且夷人吾仇也。  
咸豐十年。稱兵犯順。憑陵我畿。凶震驚我

宗

社。焚毀我

園囿。戕害我臣民。此我

朝二百年未有之恥。學士大夫無不痛心疾首。飲恨至今。  
朝廷亦不得已而與之和。即能一日忘此仇恥哉。議和以來

耶穌之教盛行○無識愚民○半為煽惑○所恃讀書之徒○講明義理○或可維持人心○今復舉聰明雋秀

國家所培養而儲以有用者○變而從夷○正氣為之不伸○邪氣因而彌熾○數年以後○不盡驅中國之眾咸歸於夷○不止伏讀

聖祖仁皇帝御製文集

諭大學士九卿科道云○西洋各國○千百年後○中國必受其累○仰見聖慮深遠○雖用其法○實惡其人○今天下已受其害矣○復揚其波而張其族耶○聞夷人傳教○常以讀書人不肯習教為恨○今今正途從學○恐所習未必能精○而讀書人已為所惑○適墮其

街中耳伏望

宸衷獨斷立罷前議以維大局而彌隱患天下幸甚

御批該衙門知道

辛丑禮部奏准

盛京禮部咨送朝鮮國王咨文一併臣等公同閱看因上年有俄羅斯人往朝鮮慶興府將築室於界牌近處情狀難測緣係邊圉重事咨請臣部轉奏謹鈔錄原文恭呈

御覽軍機大臣面奉

諭旨該衙門議奏

朝鮮咨文

朝鮮國王為臚陳俄國情形事。同治五年十二月十二日。  
據成鏡道觀察使金有潤。節度使鄭岐源等官節次馳啟。  
備慶興府使尹映呈稱。本年十一月二十日。吳抹人十二  
名。來到本府東門外。一人以本國語音倡言。俄羅斯國將  
築室於界牌近處。恐貴府驚疑。我奉都統書。先來通知。仍  
於當日渡江而去等因具啟。小邦北地。與

上國邊境。畫江為界。上下幾百年之間。竟場無虞。民生樂業。此

莫非

大朝肅邊政懷遠人之

至恩優渥。不意五六年來。忽有何許吳抹人來據慶興府臨江相

望之地或立界牌或請傳書就書中辭意始知為俄羅斯人而嚴辭退斥不致生釁故未敢以煩猥之事輒有陳達今復沿江結屋儼成聚落情狀難測不有折柳之防恐啟爭桑之漸疆界之漫無從防實係邊圉重事茲庸據實臚陳煩乞禮部照詳轉奏俾小邦得以憑仗

咸豐永綏邊疆十萬章甚為此合行移咨請照驗施行

禮部又奏准

盛京禮部咨送朝鮮國王咨文一件臣等公同開看係因上年十月該國慶源府阿山鎮白顏村居民十五戶男女七十五口越江逃去有中國人數百為牽汲江代為搬運防

樂村民被傷三人江邊防幕被燒三次現欲查拏逃越諸人因疆域所界不敢擅便求臣部奏請

諭令邊臣為押還本居地方等情謹鈔錄原文恭呈御覽軍機大臣面奉

諭旨該衙門議奏

朝鮮咨文

朝鮮國王為乞

飭邊禁嚴行查緝事同治五年十二月初三日據咸鏡道觀察使金有淵卽度使鄭岐源請次馳啟備慶源府使朴芝壽呈稱本年十月二十五日該府所管阿山鎮白顏村居民尹

才官金連達。徐光哲。徐京葉。徐光宗。徐光潤。徐光秀。越江  
逃劫二十六日。張賢哲。張賢春。又為逃劫三十日。

上國人數百為羣。渡江而來。在逃諸人之妻孥財產牛馬之留  
在木村者。盡為搬運。村人金應哲。韓永祿。金哲延。金哲朱。  
崔珍松。金應世等。亦全家隨往。村民防禦之際。為流丸被  
傷者三人。江邊防守之幕。並被燒三次。冒越為十五戶。男  
女為七十五口等。因具狀竊念小邦恪遵成憲。飭勵邊郡。  
未敢一日暫弛。豈以之冒法犯越。間或有如而偏蒙。

字小之念

特推柔遠之

德由垂容貸不意奸徒冒禁人數若是夥多已係創有之事而要  
拏較審之並為移去者必是小邦人之所慙慙今方嚴飭  
邊區益加審察該地方所管官員已並革職科罪冒犯諸  
人理宜一一查拏用中憲章而疆域所界不敢擅便謹具  
事情敢此咨報煩乞禮部詳照轉知另

諭守邊之官申明條例石項諸人並為押還於本居地方依律加  
處不勝幸甚為此合行移咨請照驗施行

丙午總理各國事務恭親王等奏軍機處交出吉林將軍  
富明阿等奏朝鮮國人前往俄國吉心河墾地等因一摺  
軍機大臣奉



旨該衙門知道欽此。復由軍機處交出禮部據咨轉奏朝鮮國王咨請查拏逃越村民一摺。朝鮮國王咨呈俄羅斯人始在界牌近處築室一摺。軍機大臣奉

旨該衙門議奏。欽此。查富明阿原奏內稱。本年正月初六日。琿春河口地方朝鮮國人男婦子女二百餘名。徑奔吉心河等國。又查朝鮮國王咨文內稱。同治五年十月二十五日。等日。有該國慶源府所管之阿山鎮白顏村居民尹才官等九名。先後越江逃去。又稱十一月二十日。異樣人十二名。來慶興府東門外。言俄羅斯將築室於界牌近處。各等因。日等查同治三年六月初十日。據吉林將軍景綸咨稱。內

地奸民張保汰等暗攜地圖赴吉心河地方潛投俄人欲  
開銀穴曾見該處有高麗窟鋪四處內有高麗男婦五十  
餘人在吉心河開墾地畝等語嗣於四年十二月二十八  
日復據吉林將軍德英咨稱俄人招引朝鮮國人北先益  
多現在吉心河地方聚有男婦一千數百人該處山坡曠  
野俱經高麗開墾近日又經姜姓民合崔姓高麗合同引  
俄官抵至圖們江口上下遙望朝鮮地勢繪畫地圖人集  
向朝鮮地方官約求通商未知曾否應允等因前來當經  
臣等咨覆該將軍以俄人招引朝鮮開墾等處如在俄國  
本境應加意防範各管各境自未便越界往來如在中國

內地自應按約阻止等因各在案茲據富明阿奏稱詳查  
咸豐十一年分界圖載吉心河在紅綫迤東係屬俄界是  
俄國開墾在伊本境中國固難越境往佃而朝鮮居民願  
赴俄界開墾地畝應由朝鮮飭禁中國亦未便率爾禁止  
況俄國招引朝鮮居民人至數千時至數載吉林巡江官  
弁僅見此次二百餘人渡江是其人民繞道前赴俄界已  
非一次朝鮮自宜早申禁令以免貽患將來至朝鮮來文  
所稱

上國人數百為羣渡江而來搬運匪人妻孥財產一節等查  
朝鮮慶源府與琿春隔江遙對誠恐內地奸民為人所引

貪利助虐抑或為朝鮮逃人所邀藉助聲援均未可知惟  
事關邊徼恐陵屬國必須徹底根究相應請

旨飭下吉林將軍確切查明是否果有中國人民越界搬運該國  
逃人財產並界牌近處築室結屋係在何國地界以及防  
禦之人被傷防守之幕被燒是否係中國人所為務須詳  
細確查據實覆奏毋許稍有迴護並嚴飭查江各卡官弁  
認真嚴密稽查不准中國及朝鮮人民彼此私行越界以  
清疆域而重邊防至朝鮮所請將右項諸人並為押還一  
併請

旨飭查如在中國地方即令該將軍派委官弁解赴朝鮮交該處

邊界官辦理

御批依議

恭親王等奏二月十二日軍機處交出定邊左副將軍德勒克多爾濟具奏俄廟失竊俄商被阻各情請

旨飭下庫倫大臣就近會同俄官酌辦等因一摺奉

旨總理各國事務衙門議奏欽此臣等查此兩案已歷三載之久

庫倫大臣與定邊將軍往返推諉迄未辦有端倪今該將

軍請

旨飭下庫倫大臣會同俄官就近辦理以免再有耽延致滋口實所請尚屬近理惟摺內所稱烏里雅蘇台從無與俄國通

文會辦案件遇有交涉事件均歸庫倫大臣辦理等語查  
同治三年九月新定俄國條約第九款云從前僅止庫倫  
辦事大臣與恰克圖固畢爾那托爾及伊犁將軍塔爾巴  
哈台參贊大臣與西急畢爾總督往來行文自今勘定邊  
界之後烏里雅蘇台科布多二處遇有會同俄國查辦事  
件應擬增添由烏里雅蘇台將軍科布多參贊大臣與托  
木色米珀拉特二省固畢爾那托爾往來行文等語查係  
前任定邊左副將軍明誼與俄國會議奏准之案該將軍  
德勒克多爾濟所稱未便與俄國通文會辦案件似係漏  
未查閱新約引此失彼所有俄廟失竊俄商被阻兩案先

經俄領事咨報庫倫大臣查明會辦該大臣自不得置身  
事外總之事關中外交涉無論所屬何處均應不分畛域  
妥籌辦法俟業經莫結互相推諉難免不別生事端相應  
請

旨飭下庫倫大臣會同定邊左副將軍趕緊派員查辦庶耳目較  
為周至而疑獄易於了結

御批依議

辛亥三口通商大臣兵部左侍郎崇厚奏教練京營馬隊  
之洋人總教官薄朗碧教官魯富瑞克斯經考於同治四  
年冬隔延定在津近日教練年餘之久無間寒暑均能實

心任事。該官兵等馬上陣法。技藝嫻熟。著有成效。現擬再撥京兵派令續教。自應量予獎勉。以資鼓勵。查薄朗前在南省軍營。隨同戈登助剿。曾蒙

聖恩賞給寶星。此次在津教練京營馬隊。著有勞績。可否援照從前

恩獎洋人戈登提督銜之例。將總教官薄朗

賞給副將銜。幫教官魯富瑞。克斯二員。均

賞給都司銜。以示優獎。

御批。洋人薄朗等教練京兵。著有成效。深堪嘉獎。薄朗著賞給副將銜。魯富瑞。克斯二員。著賞給都司銜。該衙門知道。



甲寅○禮部奏准

盛京禮部咨送朝鮮國王咨文一件○臣等公同閱看○係腹陳  
上年十二月與俄人交兵情形○謹鈔錄恭呈

御覽○軍機大臣面奉

諭旨○該衙門知道○

朝鮮咨文

朝鮮國王為腹陳北地邊郡與越江人交兵事○同治六年  
正月十三日○據成鏡道觀察使金有潤○節度使鄭岐源等  
官節次馳啟○備慶興府使尹映呈稱○越江匪類多數出來  
剽掠於本府及穩城慶源等地○聽聞可駭○故差送將校及

破手埋伏於本府阿吾地三洞社江口矣。同治五年十二月十八日子時匪類十百為羣來過三洞山邊設伏處我軍一齊放銃。滾戰二十里。到江灘半冰處賊黨亂流爭涉。中九仆地者。隨即昇歸涉冰湍沒者亦多。其數沿路流血。在在狼藉。擊獲牛馬六十四。釜子三十坐。車子二十輛。而穀糧卜獸妻棄而士者姑未打檢為先驅啟等因。竊念小邦仰藉

皇靈。恪守藩封。奉承

教諭。中東邊禁風。夜惶惶。聞敢或忽。而近緣俄羅斯人之疊來侵擾。始焉立界牌。以示其無相踰越之意。已又投書。欲售

其互為交易之計衣帶之隔殆如無人戈鋌之爭若將有事情狀難測憂虞非細已有所按因

上國恭候

威命而今茲匪類潛師越境恣行剽掠雖幸趨即勒境驅出本境天道孔昭興憤共伸第惟小邦小心謹畏飭勵防汛之意盡歸虛地慚悚之極靡所容措茲庸據實具咨臚陳事狀煩乞部堂諸大人轉奏

天陞益嚴邊圉之厲禁永杜匪類之場和千萬幸甚為此合行移咨請照驗施行

籌辦夷務始末卷之四十七